

鶴慶縣志

卷五
之下

卷五之下

祠祀志 長部

宗祠 長之三

寺觀 長之四

鶴慶縣志

鶴慶縣志卷五下

宗祠

長之三

蔣氏宗祠

在治東大福地

丁氏宗祠

在治南龍街鋪

舒氏宗祠

在治前州前鋪

高氏宗祠

在治北崇德村

彭氏宗祠

在治北彭屯

董氏宗祠

在治東太平村

張氏宗祠

在治來和鋪

張氏宗祠

在治南武官屯

田氏宗祠

在治北大妙登

田氏宗祠

在治南種福村

李氏宗祠

在治北柳綠河

洪氏宗祠

在治北柳綠河

李氏宗祠 在治北羅偉邑

趙氏宗祠 在治南孝廉村

孫氏宗祠 在治南麻地冲

右宗祠凡十有五

寺觀 長之四

元化寺 在城南隅唐長慶五年滇王豐佑天啟元

年建相傳蒙氏時鶴為澤國有番僧贊陀卓錫山洞

功行圓滿擲念珠洩之水中得樟木一枝刻為佛咒
之忽靈遠近名曰活佛遂建此寺以供之規模宏大
房屋幽邃可容僧眾數百為邑最古最大叢林後於
明成化間憲副林俊聞而火之得金數百入官並以

其寺基改建大成殿今寺非復原日舊基也

明參政金醴元

化寺詩荒林深處絕纖埃到此令人眼界開石鉢水
寒龍化去松巢雲動鶴飛來老禪自得浮五術吾
誰知補袞才且喜晚來公事閑今明月步蒼苔
朝山陰張繼昭游元化寺詩規模昔日極崔巍寺破

門今半掩開佛像落泥壇種菜鵲巢踞樹殿生苔運
隆驃信子般供劫歷伽藍一樣灰寄語維那休創建
空胎與廢上心來縣人李錫桐元化寺瞻佛相詩金
光丈六佛如來寶相莊嚴瑞色開妙法融圓傳正覺
禪機湛寂絕纖埃洪鐘悶響消塵劫古殿荒涼化草
萊回憶宗風唐代振今無龍象顯宏才
按贊陀洹
水南詔野史謂以杖
刺東隅與此小異

太玄宮 在治城東南隅明隆慶丁卯知府周贊麗

江土知府木高同建規模宏敞有大理李元陽為之
記今記已剝蝕不可辨僅存銘詞萬曆癸未知府桑

荆初重修有郡人查偉為之記讓朝康熙間思爵苑
公重修有總兵李發美為之記辛巳總兵劉廷傑重

修添置亭臺樹木藻繪可觀光緒間邑紳丁泰重修

復添置兩廊各五楹為縣境宮觀之最大理李元陽
太玄宮銘鶴

山四迴元氣結歸光洞開氛祲截太素神僧入共暇
飛錫一卓洪涵錫至今后土留靈穴竭來遺甃頑愚
媒膏薌弗修新響絕電雷歲有為民蠶誰其額天聲
哽咽周侯欲滴心頭血構宮安受天神列樓閣蒼然
冠巖巢勝事難成勢中輟仁哉鄭伯完其缺參贊江
山賴賢哲兩侯相繼成峻烈靈祐垂鑒應無替時有

卿雲含藻祝氣候調和賜雨節疆場人民無夭折
綬年年奉懷祝金馬玉堂常芳潔又同贊玄宮池閣
詩紫臺高處隱烟霞絳節靈飈飛玉蕊月印瑤池水
清淺雲霓寶閣日光華蓬瀛彷彿波翻鯉接觀飛鷺
天雨花晴倚仙梯嫌肉重還應選地種丹砂查記
嘗謂注祀無福狄梁公經畧之所以瞻仰無極者
有以也太玄宮何為者哉我郡牧萬峯周公始創置
之李中溪氏記之詳矣以祝釐示愛君也祀雷神
與天合撰示敬天也祀火神為民禦災示勤民也蓋
一事而三善備匪直如中溪氏所云一舉兩得而已
歲辛巳方齋桑公來守吾郡再越歲見宮垣宇傾圯
不治且虞壓焉慨然曰斯宮也愛君與敬天與勤民
與其不謂典禮之所關與敵宜葺缺宜備予苟不任
字土之謂何乃捐金若干以風士民士民各捐輸有

差違量所入募材集工諏良興役於舊制則飾其屋
節臺其牆垣崇次其臺南階級移太乙玉樞於三清
左右復於殿左增修聖母殿其後增修齋廚三楹古
增修十王殿其後增修道室三楹儀門左右增祠五
官土地雷四靈之後大門內東偏增修火神殿西偏
增修雷神殿其材物惟美其規制惟宏敞威靈缺武
備宮故為郡大觀至此而益增勝矣寔神庇民其庶
幾乎從始於是年之仲春畢於是年之仲冬董其事
乃封君吳仲率會首閔憲度王建中楊入亨王後
三十人並任持道人楊淨雲徐淨明以訖工告成
事且囑傳記之余惟古之人致力於民者茲則致力
於神者詳民視君匪輕民之未受如教君何二公不
易視遐荒齊民而煦嫗覆育一休愷悌是依儼然咫尺
天威焉至摘奸發伏不遺餘力則雷霆之威民實

畏之是二公之敬君恒於斯敬天恒於斯周語所稱
德昭馨香惠同人民者先後如出一轍則虔始於創
建而厚終於修飾固自有道豈徒飾觀美而微不啻
得於神已哉荀或腥臊其政馨香不登矯枉其刑百
姓携戴不裡於神而微是以求福焉即珠宮瓊宇備
極莊嚴神豈據之哉桑公名荆初貴竹永寧人若夫
繼其事以成其終者視篆王公名時輔江右臨川人
通判王公名堦亦貴竹清平人至經費之數及捐貲
者名族具載於左因彰厥善云李記道莫大於
尊天禮奠崇於祀地先王神道設教稟之為一人之
經布之為四方之紀厥有所本矣令觀清虛寥廓孰
主宰是日月星長孰網維是風雨雷霆孰推行是羣
習而弗察察而弗詳耳古之載道者神足以合漢氣
足以涵虛精足以葆元知吾心即天天即吾心羣神

眾聖本乎一身而不見不足極之玄霄而不見有餘
於是從無名生名從無相建相首尊吳天上帝而諸
神號位至於三千三百震普及今赫赫在人耳目也
天下通都巨邑靡不欽祀有祠而鶴陽之祠則在城
之東南隅號曰太玄宮宮設玉皇閣尊所尊也閣前
設三清殿崇所始也北極南昌三官五嶽各尊祠重
所職也雷霆將帥分別左右彰所衛也門前有水火
祠旁有生死殿遠災害省存歿也凡郡之迎恩拜聖
禱雨祈豐咸在焉乃歷歲久寢就摧圯遇是宮者莫
不悵然於興廢間是以先恩爵苑公啟尊天祀帝之
意奮焉興起思廣其法之所宜有而伸其志之所欲
為雖前規後隨功實倍之蓋先倡首勉力捐貲並鳩
合營官弁及各有司紳士軍民客商等眾同乘大船
船重新其宇隘者擴之俾勿窒卑者崇之俾勿閹摧

者飾之俾勿壞失次者更置之俾勿亂功未逾年而
告成成之日集賓從共瞻美馬甫至門烟柳染青池
波漾碧山色野翠來往睥睨間至殿則址擴棟隆丹
碧交映及至閣金闕晃耀渺若涉雲霄而前後護持
位列如法巍然一仙都也以之迎恩拜聖輒增欽焉
禱雨祈豐輒增應焉乘法力以暢皇威宣天庥以隆
國勢其於先王神道設教之意大有合矣於是將勒
銘以誌其事無何賞志賓天遂以其所未竟者遺余
余敢不因恩報德之念尊天
祀帝之盛而為記乎是為記

大喜菴

在治西南百二十里龍門舍明建文帝遜

跡時纂尋燬

帝題菴壁詩云飄泊西南數十秋蒼蒼
白髮已盈頭乾坤有分家何在江漢無

情水自流長樂宮中春盡永朝元閣上雨
聲收新蒲細柳年年綠野老吞聲恨未休

真武觀

在城北創建時代無考讓朝光緒間重修

朝霞寺

在治西南八里朝霞山明成化間建

郡人查偉

遊朝霞寺詩憶昔瑩窗萬卷開今過此地謾徘徊雲
連梵宇依山起風送鐘聲滿座來石磴參差通鳥道
溪流旋繞近天臺一時笑傲逢知己且對霜花數舉
杯副使萬桐達朝霞寺詩沿山石磴陟差戾咸謂山
高得月多不是松雲遠淨土却綴花雨散曼陀幽香
繞砌頤浮酒寒鳥窺人欲效歌綺席再移經閣上晚
來星斗見秋河又郡守張學樵寺名朝霞而余以晚
至見其山景可愛賦詩紀之八首一共說朝霞勝偏

於晚更奇晴嵐籠象嶽迢照黑蛟涓古柏浸杯冷危
樓摘斗低禪心何處見月滿八功池二不盡晚山景
殘陽駭翠微松陰凝霧碧塔影掛林肥酒盞星移彩
譚鋒夜逗機榮煥前路火疑是帶霞鯨又郡人張啟
賢上己日同李司勳遊朝霞二首一修禊遙從精舍
來花如薄雪水輕雷疎鐘夜半清虛夢松下同卿明
月杯二赤城霞起擁諸天為說真人紫氣懸解玉山
門聞轉語參宗况是李青蓮讓朝山陰張繼昭遊松
坡至朝霞寺和吳衡齋廣文韻共四首鶴拓西山好
洞天仙遊偶結出塵緣清齋菜色離僧苦朝日霞光
古佛圓下界雲雷秋福祐上方樓閣暮鐘連臨溪漫
共三長嘯且賦新詩質皎然松柏千尋禪寺低歲寒
山靜乳鶴啼樹喧嵐壺嗟經嘯徑狹牛羊任客迷昔
日布金何躍躍當前駐錫奈栖栖來遊已重伽藍感

耳畔狂歌又鳳吟朝露朝霞不定天儒家興廢釋家
緣象龍兩腋終相拱日月代明光對圓錯落房案因
地造玲龍巖壑仗雲連如斯奇景憑誰繪腹稿留藏
待巨然駐馬松坡寺厭低朝霞再上有鶯啼引江作
帶遠猶抱石寶當門正不迷搖落秋光驚歲晚顛斜
巨厦感真栖何堪山濕榛苓少執轡頌人悲簡兮邑
人楊金鑑癸未九日朱煥文軍門置酒朝霞寺名飲
即席索賦且限以金谷之罰勉和一首云邊城秋老
歛寒雲策馬登臨晚夕曛飽飲花糕聊誌德豪春菊
酒漫論文狂吟未敢陪諸友雅望終慚負使君落帽
龍山遺韻事風流誰似孟參軍邑人趙繼善即席呈
云追陪駿馬上嵒岬落帽風流續孟嘉天為良辰開
晚霽人來古寺坐朝霞滿頭挿菊酬佳節左手持鰲
感歲華此日樽前拚盡醉羞將獨醒負黃茆邑人彭

年遊朝霞寺云曲徑通幽入洞天白雲深處
名山自合名流隱何日功成抱虎眠

文恩寺 在城西一里許今燬

大雲閣 在城西西山廟後

霞青宮 在治西朝霞寺左明萬曆間宜賓令莫與

京之妻孫氏創建有郡人孫健為之記入讓朝傾圮

康熙間僧本全德暉相繼修葺有通判署府事佟鎮

為之記孫記 恭惟昭代神聖握符有神靡不克相而玄帝之效靈尤著以故崇報之典武當最